

Luns, 22 de xullo de 2024

Núm. 142

ADMINISTRACIÓN LOCAL**MUNICIPAL****CERDEDO - COTOBADE****Ordenanzas e Regulamentos*****APROBACIÓN DEFINITIVA ORDENANZA REGULADORA DO
SERVIZO DE SANEAMENTO E DEPURACIÓN DE AUGAS RESIDUAIS******ANUNCIO APROBACIÓN DEFINITIVA ORDENANZA REGULADORA DO SERVIZO DE
SANEAMENTO E DEPURACIÓN DE AUGAS RESIDUAIS DO CONCELLO DE CERDEDO-
COTOBADE***

Dando cumprimento ao artigo 70.2 da Lei 7/1985, de 2 de abril, Reguladora das Bases do Réxime Local, faise público o texto íntegro da ORDENANZA REGULADORA DO SERVIZO DE SANEAMENTO E DEPURACIÓN DE AUGAS RESIDUAIS DO CONCELLO DE CERDEDO-COTOBADE, que foi aprobada polo Pleno da Corporación en sesión de data 30 de maio de 2024, publicado no BOP nº 11084 de data 04.06.2024 polo prazo de trinta días e elevado a definitivo ao non presentarse alegacións á mesma

“ORDENANZA REGULADORA DO SERVIZO DE SANEAMENTO E DEPURACIÓN DE AUGAS RESIDUAIS DO CONCELLO DE CERDEDO-COTOBADE

PREAMBULO**CAPÍTULO I. DISPOSICIÓN XERAIS**

Artigo 1.-Obxecto

Artigo 2.-Finalidades

Artigo 3.-Infraestruturas e instalacións do Servizo Municipal de Saneamento

Artigo 4.-Ámbito de aplicación

Artigo 5.-Explotación das instalacións do Servizo Municipal de Saneamento. Entidade xestora

Artigo 6.-Relativo ás normas de construción e urbanísticas

CAPÍTULO II. DEBERES DOS USUARIOS DA REDE DE SANEAMENTO MUNICIPAL

Artigo 7.-Usuarios suxeitos

Artigo 8.-Obriga de conexión á rede municipal de saneamento

Artigo 9.-Deberes dos usuarios



Luns, 22 de xullo de 2024

Núm. 142

CAPÍTULO III. EMPREGO DA REDE DE SANEAMENTO

Artigo 10.-Condicións previas á conexión

Artigo 11.-Requisitos e características básicas da acometida ao sistema

Artigo 12.-Prohibicións e limitacións

Artigo 13.-Condicións para a utilización da rede municipal de saneamento

Artigo 14.-Permiso de vertido

Artigo 15.-Solicitud do permiso de vertido

Artigo 16.-Procedemento para a obtención do permiso de vertido

Artigo 17.-Contido do permiso de vertido

Artigo 18.-Revisión do permiso de vertido

Artigo 19.-Revogación do permiso de vertido

Artigo 20.-Tratamento previo á conexión

Artigo 21.-Dispensa do permiso de vertido

Artigo 22.-Descargas accidentais e situacións de emerxencia.

Artigo 23.-Censo de vertidos á rede municipal de saneamento

Artigo 24.-Vertidos non canalizados

CAPÍTULO IV. INSPECCIÓN E CONTROL

Artigo 25.-Inspección e control por parte da entidade xestora

Artigo 26.-Autocontrol dos vertidos

CAPÍTULO V. RÉXIME DE INFRACCIÓNS E SANCIÓN

Artigo 27.-Responsabilidade e infraccións

Artigo 28.-Sancións

Artigo 29.-Criterios para a gradación de infraccións e sancións

Artigo 30.-Prescripción

Artigo 31.-Potestade sancionadora: órganos competentes, procedemento, medidas cautelares e publicidade

Artigo 32.- Reparación do dano causado, obriga de restauración, multas coercitivas e execución subsidiaria



Luns, 22 de xullo de 2024

Núm. 142

Artigo 33.-Valoración de danos

*DISPOSICIONS FINAIS**ANEXOS**ORDENANZA REGULADORA DO SERVIZO DE SANEAMENTO E DEPURACIÓN DE AUGAS
RESIDUAIS DO CONCELLO DE CERDEDO-COTOBADE**PREÁMBULO*

No artigo 45 da Constitución española recoñécese o dereito de todos os cidadáns a gozar dun medio ambiente idóneo para o desenvolvemento da persoa, atribuíndoselles ás administracións públicas, ademais, a función de velar por un emprego máis racional dos recursos naturais, e aos cidadáns, o deber de contribuír á súa conservación.

Un destes recursos é, sen dúbida, a auga, un auténtico patrimonio natural que ten asociado ao seu uso profundos valores, tanto sociais como ambientais, que cómpre protexer e conservar. O modelo de xestión dos recursos hídricos debe tomar como base o ciclo natural da auga, considerando a súa preservación en excelente estado como o mellor legado e garantía para as xeracións futuras.

En política ambiental son cada vez máis as normas con orixe supranacional as que determinan o contido dos dereitos e obrigas da cidadanía, así como as competencias e o xeito de exercelas dos poderes públicos. No ámbito da auga, especialmente, o dereito comunitario ten unha relevancia cada vez maior, con esixencias cada vez máis específicas.

Nesta liña, a Directiva da Unión Europea 2000/60/CE, do 23 de outubro de 2000, pola que se establece un marco comunitario de actuación no ámbito da política da auga, establece a necesidade de velar pola protección dos ecosistemas acuáticos e promover o uso sustentable da auga a longo prazo. Esta Directiva Marco da Auga, en proceso de aplicación e desenvolvemento, introduce o concepto de bo estado ecolóxico dos sistemas hidrolóxicos como un reto de futuro inmediato. As esixencias da directiva teñen que conducir progresivamente á recuperación da calidade fisicoquímica e biolóxica das augas superficiais e subterráneas.

Case unha década antes, a Directiva 91/271/CEE, do 21 de maio de 1991, sobre tratamento de augas residuais urbanas, abordou o ambicioso reto de protexer o medio ambiente dos efectos negativos das augas residuais, principalmente urbanas, no medio natural, obrigando os Estados membros a adoptar as medidas necesarias para garantir que estas augas fosen “tratadas” convenientemente antes do seu vertido. Esta normativa foi trasposta no ámbito estatal español polo Real decreto lei 11/1995, do 28 de decembro, sobre normas aplicables ao tratamento das augas residuais urbanas, desenvolvido, á súa vez, polo Real decreto 509/1996, do 15 de marzo, que establece requisitos técnicos para os colectores e instalacións de tratamento e para os vertidos que chegan a eles.



Luns, 22 de xullo de 2024

Núm. 142

Pola súa parte, o actual texto refundido da Lei de augas, Real decreto lexislativo 1/2001, do 20 de xullo, establece entre os seus obxectivos prioritarios “protexer e mellorar o medio acuático establecendo medidas específicas para reducir progresivamente os vertidos, as emisións e as perdas de substancias prioritarias, así como eliminar ou suprimir de forma gradual os vertidos, as emisións e as perdas de substancias prioritarias” (art. 92, c), e regula detalladamente os vertidos que se poden realizar sobre o medio acuático, ben para prohibilos ou ben para sometelos a limitacións e controis. En particular, o seu artigo 100 establece a prohibición de realizar vertidos directos ou indirectos de augas e de produtos residuais susceptibles de contaminar as augas continentais ou calquera outro elemento do dominio público hidráulico, agás que se conte coa autorización administrativa previa.

En desenvolvemento do citado texto refundido da Lei de augas, o Real decreto 849/1986, do 11 de abril, polo que se aproba o Regulamento de dominio público hidráulico, concretou algunha das normativas aplicables ás estacións depuradoras e ás súas redes de colectores. Isto puxo de manifesto a necesidade de actualizar e unificar as normativas existentes, non só no que se refire ás limitacións que lles cómpre impor aos vertidos ás redes de saneamento, senón tamén no establecemento dun conxunto de condicións técnicas ás actividades que son susceptibles de realizar vertidos de augas residuais á rede de saneamento de exclusiva titularidade municipal. Así, nas autorizacións de vertido a dominio público hidráulico que soliciten comunidades autónomas e entidades locais, esíxese a achega de plans de saneamento e control de vertidos a colectores, con específica atención á progresiva redución de vertidos de substancias perigosas e o seu control.

Á súa vez, a Lei 62/2003, do 30 de decembro, no seu artigo 129, incorpora ao dereito español a Directiva 2000/60/CE, cuxo prazo de transposición remataba o 22 de decembro de 2003.

No ámbito da nosa comunidade autónoma, o artigo 32 da Lei 9/2010, do 4 de novembro, de augas de Galicia, declara de “interese da Comunidade Autónoma de Galicia” o servizo de depuración de augas residuais e, no seu artigo 27, resérvalle á competencia municipal o tratamento das augas residuais e a prestación do servizo de rede de saneamento, incluíndo o control dos vertidos a esas redes no marco da normativa de aplicación. O desenvolvemento regulamentario desta norma ten lugar polo Decreto 141/2012, do 21 de xuño, polo que se aproba o Regulamento marco do servizo público de saneamento e depuración de augas residuais de Galicia, que complementa así a normativa estatal básica en materia de depuración de augas residuais urbanas.

Así, no marco das atribucións ás entidades locais sinaladas, consonte aos prazos que sinala a disposición transitoria primeira do regulamento marco (dous anos dende a súa entrada en vigor para adaptar as normativas locais, transcorrido o cal será de aplicación directa), e baseándose nas competencias recoñecidas aos municipios en materia de rede de saneamento e tratamento de augas residuais na Lei 7/1985, do 2 de abril, de bases do réxime local, e na Lei 5/1997, do 22 de xullo, de Administración local de Galicia, elabórase esta Ordenanza do servizo de saneamento e depuración de augas residuais do Concello de Cerdedo-Cotobade.



Luns, 22 de xullo de 2024

Núm. 142

Regúlanse nesta Ordenanza as normas que rexerán a xestión e o uso da rede de saneamento de titularidade municipal, así como todas as competencias e actuacións que lle corresponden ao Servizo Municipal de Saneamento de Augas Residuais. Máis concretamente, esta Ordenanza regula as condicións para a autorización dos vertidos ás redes de saneamento públicas municipais, establecendo limitacións ao vertido, de xeito que non se lles causen efectos prexudiciais ás infraestruturas que conforman a propia rede e ás estacións depuradoras, non se produzan riscos para o persoal que explota e mantén o sistema de saneamento, se favoreza o mantemento da rede e non se alteren os procesos de depuración das augas residuais.

Esta Ordenanza consta de 33 artigos, unha disposición transitoria, unha derogatoria, dúas derradeiras e tres anexos. En xeral, a Ordenanza especifica e dá cumprimento ao regulamento marco autonómico, remitíndose a este en todo aquilo que se entendeu que non necesitaba dunha especial regulación, e regulando especialmente aquilo que se entendeu que responde ás peculiaridades propias.

Así, destaca a obrigatoriedade da conexión á rede municipal para todos os usuarios que realicen vertidos cando se atopen a menos de 100 metros desta (o regulamento marco permite a fixación desta distancia, sinalando que, de non se establecer, se aplicaría subsidiariamente a de 50 metros), detallándose expresamente as excepcións que permiten o uso de sistemas autónomos (fosas sépticas ou similares) e sempre baixo supervisión municipal.

Clasifícanse os distintos tipos de usuarios en atención á actividade que xeran e en atención ás augas residuais que producen, clasificación especialmente relevante para os efectos de obter o correspondente permiso de vertido e, en consecuencia, os límites cuantitativos e cualitativos que lles serán esixidos aos seus efluentes.

En canto ao réxime sancionador, establécese un importe económico das sancións ata un máximo de 100.000 euros, de acordo coa potestade atribuída para o efecto ás entidades locais no artigo 92.3 da Lei 9/2010, do 4 de novembro, de augas de Galicia.

Debe terse en conta que unha regulación homoxénea dos vertidos debe ir acompañada dunha planificación e deseño de redes separativas de augas residuais e pluviais en todas as redes municipais de saneamento, de forma que se garanta o proceso biolóxico da EDAR, se limite axeitadamente o caudal que cómpre depurar minimizando as entradas de auga pluvial na instalación e se garantan uns óptimos custos de xestión da instalación. Así mesmo, tanto a situación presente como a futura sobre as necesidades da rede de saneamento de titularidade municipal demandadas pola realidade social e económica tívose en conta na redacción desta Ordenanza.

CAPÍTULO I

DISPOSICIÓNS XERAIS

Artigo 1.-Obxecto



Luns, 22 de xullo de 2024

Núm. 142

Esta Ordenanza do servizo de saneamento e depuración de augas residuais do Concello de Cerdedo-Cotobade, en adiante entidade xestora, ten por obxecto regular o servizo público municipal de saneamento de augas residuais, as condicións de vertido de augas residuais e pluviais e os usos da rede de saneamento e colectores de exclusiva titularidade municipal.

Artigo 2.-Finalidades

Esta Ordenanza dítase para contribuír a acadar as seguintes finalidades:

- a) Adecuar a calidade da auga dos efluentes das EDARes municipais ao medio receptor, posibilitando ao mesmo tempo unha xestión eficaz destas e do resto das instalacións que conforman o Servizo Municipal de Saneamento, garantindo o seu correcto funcionamento.
- b) Previr danos ou alteracións que poidan reducir ou anular a eficacia dos procesos de tratamento das estacións depuradoras (sobre todo dos procesos biolóxicos), tendo especial coidado na chegada de sobrecargas hidráulicas ou de masas de contaminantes, así como de tóxicos.
- c) Garantir o bo funcionamento de todas as infraestruturas, obras e equipamentos que integran o Servizo Municipal de Saneamento.
- d) Evitar poñer en risco a saúde dos traballadores das redes de saneamento e das plantas depuradoras, e da poboación en xeral, pola aparición de condicións de perigosidade ou toxicidade, xeradas polo sistema de saneamento.
- e) Posibilitar que as augas residuais sexan reutilizables.
- f) Evitar emisións incontroladas de contaminantes ao medio.

Artigo 3.-Infraestruturas e instalacións do Servizo Municipal de Saneamento

1. Para os efectos desta Ordenanza, enténdese por Servizo Municipal de Saneamento o conxunto de bens de dominio público municipal, relacionados entre si, que forman parte da rede de saneamento, das depuradoras de augas residuais e das infraestruturas de vertido.
2. A rede de saneamento (cuxo fin é a recollida, transporte e regulación das augas residuais) está composta por sumidoiros, pozos de rexistro e arquetas, colectores, depósitos de regulación, depósitos-vertedoiro e bombeos, así como doutras infraestruturas complementarias. Os vertedoiros, conducións de desaugadoiro e os emisarios son infraestruturas de vertido do propio sistema.
3. As acometidas ao sistema non forman parte do sistema público de saneamento. Enténdese por acometida de saneamento o conxunto de elementos que unen a rede pública de saneamento coa instalación privada do inmovible.

Artigo 4.-Ámbito de aplicación

1. Inclúense no ámbito desta Ordenanza todos os vertidos de augas residuais, de calquera orixe, que se realicen á rede de saneamento de titularidade municipal á que se refire o artigo 3, ou as que no futuro sexan conectadas.



Luns, 22 de xullo de 2024

Núm. 142

2. Non se inclúen nesta Ordenanza aqueles produtores de vertidos de augas residuais que contén coa oportuna autorización administrativa para levar a cabo os vertidos, directa ou indirectamente, no dominio público hidráulico ou no dominio marítimo-terrestre, sempre que a dita autorización estea actualizada e os seus titulares cumpran coas condicións impostas nela. Non obstante, o Concello poderá obrigar aos mencionados produtores de vertidos a conectalas ao sistema municipal de saneamento e a cumprir os requisitos recollidos nesta Ordenanza sempre que resulten obrigados a iso segundo o disposto no artigo 8.

Artigo 5.-Explotación das instalacións do Servizo Municipal de Saneamento. Entidade xestora

1. A entidade xestora como titular e responsable público da prestación do servizo de saneamento, levará a cabo a explotación das instalacións e infraestruturas que o compoñen, ben directamente, ben a través das distintas formas de xestión indirecta de servizos públicos, ben por si mesmo ou en unión doutras entidades locais.
2. Para os efectos desta Ordenanza, o Concello de Cerdedo-Cotobade é a entidade xestora do Servizo Municipal de Saneamento, de acordo co sinalado no artigo 4, liña j) do Decreto 141/2012, do 21 de xuño, polo que se aproba o Regulamento marco do Servizo Público de Saneamento e Depuración de Augas Residuais de Galicia.

Artigo 6.-Relativo ás normas de construción e urbanísticas

1. Sen prexuízo do establecido nesta Ordenanza, a construción de calquera elemento do saneamento, público ou privado, axustarase ao disposto na normativa urbanística e nas demais Ordenanzas municipais, así como no establecido no Código técnico da edificación (CTE), nas Instrucións Técnicas para Obras Hidráulicas de Galicia (ITOHG) e nas condicións técnicas definidas polo Concello.
2. Con carácter xeral, as redes públicas municipais de saneamento poderán ser construídas por:
 - a) O Concello por iniciativa propia, de acordo coas disposicións legais vixentes con recursos propios.
 - b) O Concello por petición de particulares, como prolongación da rede existente. Cando para a execución dunha acometida sexa necesario efectuar unha prolongación da rede xeral, correrá por conta do solicitante a totalidade dos gastos que se orixinen con motivo da devandita ampliación, e farase constar no orzamento que se confeccione ao efecto.
 - c) As acometidas ou obras de ampliación executaranse exclusivamente polo Concello ou, por autorización súa, por un contratista debidamente autorizado por el. Para executar as acometidas ou obras de ampliación, o usuario deberá depositar previamente ao comezo das obras o importe íntegro do orzamento que lle realizará o Concello. A dirección, vixilancia e inspección das ampliacións da rede efectuarase directamente polo concello, que fixará, así mesmo, as condicións e especificacións técnicas que deberán ser observadas na súa execución.



Luns, 22 de xullo de 2024

Núm. 142

- d) O urbanizador, cando así sexa esixible en virtude da lexislación vixente en materia urbanística, con todos os dereitos inherentes. Deberá cumprir o CTE, as ITOHG e demais normas vixentes para as instalacións en edificios e realizar os traballos baixo a supervisión de técnicos do Concello.
- e) Para iso, e con carácter previo á redacción dun proxecto de urbanización, ou á execución de obras de rede de saneamento, deberáselle solicitar ao Concello ou a entidade xestora a información necesaria sobre a normativa vixente ao respecto, redes e condicións existentes, sinalización dos puntos máis aconsellables para realizar a evacuación das augas residuais e pluviais (de existir rede separativa) e calquera outro extremo que puidese resultar de interese para o efecto. En vías de nova construción, o urbanizador deberá construír todas as acometidas domiciliarias. Neste caso, deberanse incluír no proxecto de urbanización, detallando as súas características, que se deberán axustar á normativa técnica vixente.
- f) Calquera outra Administración competente, ben por acordo, ou por existencia de convenios, ou por estar clasificada tal actuación como “de interese xeral”. Nestes casos a entidade xestora solicitaralles ás ditas administracións os criterios seguidos no seu deseño, co fin de analizar a súa coherencia e integración dentro da rede municipal de saneamento e emitir informe ao respecto.
- g) Na elaboración de plans que desenvolvan as normas urbanísticas, que afecten ás zonas onde se localicen actividades industriais, será preciso un estudo técnico sobre a posibilidade de contaminación por vertidos ou infiltración de augas residuais industriais. Corresponderalle a súa execución e elaboración ao promotor público ou privado da devandita iniciativa.
3. As obras de construción e instalación das acometidas desde a fachada do inmovible ata a conexión coa rede de saneamento pública serán executadas polo Concello ou entidade xestora conforme ao orzamento presentado ao construtor, propietario ou cliente interesado, e segundo o cadro de prezos autorizado polo Concello.
4. As prolongacións da rede deberán discorrer, con carácter xeral, por terreos de dominio público. Naquelas partes de rede que se sitúen excepcionalmente en terreos privados, os propietarios dos terreos afectados polo paso da tubaxe porán a disposición do concesionario unha franxa de dous metros de ancho ao longo do percorrido da rede, sen que poidan obstaculizar, por ningún medio, o acceso do persoal ou maquinaria para reparación e inspeccións.

CAPÍTULO II

DEBERES DOS USUARIOS DA REDE DE SANEAMENTO MUNICIPAL

Artigo 7.-Usuarios suxeitos

1. Todas as edificacións, industrias ou explotacións, tanto públicas como privadas, susceptibles de xerar vertidos, con independencia do seu uso ou usos compartidos,



estarán obrigadas a cumprir as disposicións e preceptos desta Ordenanza, tanto nas conexións actuais como nas previstas no futuro.

2. Segundo a orixe e as características das augas residuais que xeran, os usuarios da rede de saneamento clasifícanse do seguinte xeito:

a) *Usuarios domésticos*: aqueles que xeran augas residuais domésticas, entendendo por tales aquelas procedentes dos usos particulares das vivendas, xeradas principalmente polo metabolismo humano e as actividades domésticas. Aplicarase esta modalidade a locais destinados a vivenda, sempre que neles non se realice actividade industrial, comercial ou profesional de ningún tipo.

b) *Usuarios non domésticos*: aqueles que xeran augas residuais non domésticas, entendendo por tales aquelas vertidas dende establecementos nos que se efectúe calquera actividade comercial, industrial, de servizos, agrícola ou gandeira. Estas augas residuais, polas súas características, poden presentar nalgún momento determinado unha composición fisicoquímica, aínda que sexa accidentalmente, que supere os valores límite de emisión establecidos nesta Ordenanza. Os vertidos serán compatibles co seu transporte e depuración polo sistema de saneamento. A estes usuarios, a xuízo da entidade xestora, poderáselles esixir a instalación dun pretratamento e/ou control previamente á conexión á rede pública de saneamento.

Á súa vez, os usuarios non domésticos poderanse clasificar en:

b. 1) *Usuarios comerciais e servizos*: aqueles que utilizan auga destinada ás necesidades de locais comerciais, tales como oficinas, despachos, tendas, centros privados de ensino, centros deportivos, clubs sociais e recreativos, centros de día e residencias de maiores, garaxes (sen ningún tipo de actividade de lavado, engraxamento ou outros. Quedarán englobados dentro deste tipo de usuarios os establecementos de hostalería tipo bar ou cafetería que non dispoñan de cociña e/ou servizo de comidas.

b. 2) *Usuarios turísticos*: todos aqueles usos relacionados con aloxamento e lecer, que producen vertidos de augas residuais domésticas ou asimilables a domésticas e que, polo tanto, non necesitan da instalación dun pretratamento e/ou control previamente á conexión á rede pública de saneamento.

b. 3) *Usuarios hostaleiros*: todos aqueles usos relacionados con hostalaría e restauración, e polo tanto producen vertidos de augas residuais non asimilables a domésticas (ben polo seu volume ou polo seu contido de graxas ou sólidos en suspensión). Quedan englobados dentro de este tipo de usuarios tódolos establecementos de hostalería que dispoñan de cociña e/ou servizo de comidas.

b. 4) *Usuarios industriais*: aqueles que xeran vertidos tras a utilización da auga como un elemento directo ou indirecto dun proceso de produción nunha actividade industrial. As características destes vertidos serán compatibles co seu transporte e depuración polas diferentes infraestruturas do sistema de saneamento. Inclúense dentro desta categoría os usos de tipo talleres e/ou lavado de vehículos a motor ou maquinaria agrícola. Aquelas instalacións con actividade produtiva que non utilicen



auga de proceso e que xeren augas residuais asimilables a domésticas en canto a súa caracterización e carga (procedentes de baños e aseos) pero cun caudal superior a un doméstico.

b. 5) *Usuarios especiais*: entenderase por usuarios especiais calquera outro non definido en puntos anteriores, incluídos os de carácter temporal. En todo caso, teñen a condición de usos especiais os vertidos provisionais por obras, feiras ou outras actividades temporais na vía pública. As características destes vertidos serán compatibles co seu transporte e depuración polo sistema de saneamento.

Artigo 8.-Obriga de conexión á rede municipal de saneamento

1. A conexión á rede municipal de saneamento será obrigatoria para todos os usuarios (domésticos e non domésticos) que se atopen a menos de 100 metros. Non obstante, por razóns técnicas, o punto exacto de conexión ou entroncamento coa rede municipal de saneamento será determinado polos técnicos municipais aínda que se supere esa distancia.
2. O Concello ou Entidade Xestora poderá dispensar da obrigatoriedade da conexión sinalada no punto anterior, cando se acredite polo usuario ou polos servizos técnicos do concello a inviabilidade da devandita conexión por razóns técnicas, económicas ou urbanísticas debidamente xustificadas.
3. No caso de que unha actividade xeradora de augas residuais non estea obrigada á conexión á rede municipal de saneamento, ou esta non sexa posible, deberá estar provista de sistemas autónomos de saneamento (fosas sépticas ou similares) que non supoñan un risco para o medio ambiente. Estes sistemas de depuración, que implicarán un vertido directo ou indirecto a dominio público, deberán estar autorizados polo Organismo de conca ou a Administración hidráulica competente. Corresponde ao usuario a limpeza periódica, conservación e mantemento de devanditos sistemas autónomos de depuración así como o envío a xestor autorizado dos residuos que se xeraron.
4. Os usuarios adoptarán as medidas ou previsións correspondentes para poder conectar as súas redes á municipal, sendo os gastos de acometida pola súa conta, inclusive a necesidade de bombeos
5. A acometida á rede municipal de saneamento terá carácter privativo, incluído o punto de conexión ou entroncamento coa rede municipal, estando suxeita á obtención do título habilitante de conexión, que se define como documento que consonte á normativa aplicable habilita a execución da acometida particular á rede, conforme o disposto no artigo 10 e 11.

Non obstante, en caso de acometidas de conexión de edificacións de nova planta, os interesados asumirán integramente o seu custo, en concepto de obras de urbanización nos termos previstos na lexislación urbanística.



Luns, 22 de xullo de 2024

Núm. 142

6. Correspóndenlles aos usuarios as obrigas de limpeza, conservación e mantemento da dita acometida a excepción daqueles casos nos que se demostre que a deficiencia ou dano a reparar non é imputable ao mesmo.

Cando, como consecuencia dunha actuación pública ou privada autorizada, un usuario pase a dispor dunha rede do sistema público de saneamento municipal a menos de 100 metros, deberase conectar obrigatoriamente a esa rede logo de requirimento municipal, e no prazo que este fixe. Clausurarase o sistema autónomo existente (fosa séptica ou dispositivo similar), o que deberá ser comprobado e certificado por técnicos dos servizos municipais. Se no prazo de tres meses dende a posta en servizo da nova acometida non se clausurara o sistema autónomo anterior o Concello procederá a executar os traballos necesarios de forma subsidiaria, correndo os gastos por conta do particular. A conexión efectuarase de acordo co disposto nesta Ordenanza.

7. En solo urbano ou solo de núcleo rural, non se permite a utilización de sistemas autónomos de saneamento (fosas sépticas ou similares) sempre que exista a menos de 100 metros rede municipal (salvo as excepcións xustificadas). Todo usuario deberá estar conectado á rede de saneamento municipal. Se non existise rede na zona, ou estivese a máis de 100 metros e a zona non estivese incluída en polígono, a súa execución correspóndelle ao Concello. Mentres o Concello non execute ditas obras, permitirase previa a obtención, cando corresponda, da correspondente autorización de vertido emitida polo Organismo de cunca ou pola Administración hidráulica competente, a utilización de fosas sépticas ou dispositivos similares, aos que se conectarán as augas provenientes dos aseos (inodoros, lavabos, bidés e duchas), e tamén das augas grises provenientes dos vertedoiros, lavalouzas, lavadoras ou outros aparellos ou instalacións análogas.
8. En solo urbanizable e rústico, no que habitualmente non existe saneamento municipal, autorizarase para as construcións provisionais en solo urbanizable e para as permanentes autorizables en solo rústico o emprego de fosas sépticas ou similares baixo as premisas sinaladas no punto anterior.
9. En parcelas edificables, pero non edificadas ou en parcelas con edificacións auxiliares non se autorizará a conexión á rede municipal de saneamento, tampouco en parcelas con edificacións auxiliares.

Artigo 9.-Deberes dos usuarios

O usuario terá os seguintes deberes:

- Satisfacer puntualmente o importe do servizo de saneamento na contía, forma e prazos que determina a correspondente Ordenanza fiscal.
- Aboar as cantidades que resulten da liquidación que por erro, fraude ou avaría se lles poidan imputar.
- Verter as augas residuais conforme ao previsto nesta Ordenanza e, de ser o caso, conforme ao previsto nos correspondentes permisos de vertido.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: OOLJS3Q74SX7ZJ7K



Luns, 22 de xullo de 2024

Núm. 142

- d) Conectarse á rede municipal de saneamento cando esta se atope a menos de 100 metros do punto de vertido, solicitando previamente o título habilitante e abonando a taxa correspondente. Salvo excepcións xustificadas técnica ou economicamente que anulen dita obriga de conexión.
- e) Informar á entidade xestora acerca de fugas, avarías, perdas ou calquera outro incidente que, por interese propio ou xeral, afecte ou poida afectar ás instalacións do Servizo Municipal de Saneamento. Entre estes incidentes inclúense as manipulacións de instalacións que poidan causar contaminación ou perigo para persoas ou bens públicos ou privados.
- f) Comunicarlle á entidade xestora de xeito inmediato calquera modificación nos procesos que inflúa na calidade do efluente que se verte, así como a comunicación de calquera circunstancia futura que implique unha variación das características cualitativas ou cuantitativas do vertido para os efectos de proceder, de ser o caso, á revisión do correspondente permiso de vertido.
- g) Permitir e facilitar a libre entrada nas instalacións do persoal municipal debidamente acreditado, para inspeccionar ou reparar as instalacións.
- h) Respetar o precinto de calquera local, instalación ou mecanismo desta que afecte ou forme parte do sistema público de saneamento.
- i) Cumprir as condicións e deberes que figuren no permiso de vertido.
- j) Comunicarlle á entidade xestora calquera modificación de domicilio ou titularidade da vivenda ou establecemento, modificación na instalación interior (en especial os puntos novos de vertido que resulten significativos polo seu volume) ou calquera outra que implique un cambio significativo no desenvolvemento xeral do servizo que presta a entidade xestora.
- k) Cando exista unha alteración no volume do caudal de vertido que implique un aumento de máis do 10%, deberáselle notificar ao Concello para que se poida estudar a incidencia dese aumento no sistema de saneamento.
- l) Prever as instalacións de bombeo e elevación naqueles casos en que sexa necesario.
- m) No entorno rural no que existen sistemas tradicionais de regadío en funcionamento: presas, regos, levadas, etc., os usuarios procurarán conducir as augas brancas xeradas cara estes, sempre que sexa posible.

CAPÍTULO III

EMPREGO DA REDE DE SANEAMENTO

Artigo 10.-Condicións previas á conexión

1. Para a conexión dun usuario ao sistema municipal de saneamento, cómpre que a rede se atope en servizo, e que o vertido do usuario cumpra as condicións establecidas nesta Ordenanza.



Luns, 22 de xullo de 2024

Núm. 142

2. Para poder efectuar a conexión, todos os edificios deberán contar cunha rede separativa interior de augas pluviais e fecais.

Nos núcleos onde non existan colectores de saneamento separativos, a acometida de saneamento unicamente poderá destinarse para o vertido de auga residual, quedando prohibido a vertido de augas brancas e limpas na acometida de saneamento. Neste caso atenderase ao disposto no punto m) do artigo. 9.

3. A solicitude de acometidas deberá acompañarse necesariamente da acreditación da propiedade da parcela ou inmovible, así como a preceptiva licenza municipal, de obras ou a que poida proceder en cada caso, así como a documentación que se indique en cada momento regulamentada polo Concello.

Os servizos técnicos municipais determinarán, á vista dos datos que achegue o solicitante, das peculiaridades do inmovible e do estado das súas redes, as características e condicións de contratación e execución das acometidas. Para iso, o petionario da acometida estará obrigado a proporcionar cantos datos lle sexan solicitados en relación coa súa solicitude de acometida.

4. A entidade xestora comunicará ao petionarioa súa decisión de aceptar ou denegar a acometida solicitada, e neste caso, as causas da denegación.

Artigo 11.-Requisitos e características básicas da acometida ao sistema

1. Para a conexión dun usuario ao sistema municipal de saneamento será necesario o título habilitante de conexión ao sistema e, no seu caso, tamén o previo permiso de vertido para os usuarios que sinala o artigo 13, así como o abono das taxas fiscais correspondentes.

Para iso,deberase presentar no Rexistro Municipal a solicitude no modelo correspondente acompañado da seguinte documentación:

- a) Plano de situación a escala 1:2000
 - b) Plano da rede de desaugadoiro do interior do edificio en planta e alzado, a escalas axeitadas, detallando expresamente os sifóns xerais e a ventilación aérea, e distinguindo a rede de augas pluviais e a rede de augas residuais.
 - c) Descrición das disposicións e dimensións idóneas para un correcto desaugadoiro, especificando o material, diámetro e pendente lonxitudinal.
2. Os establecementos non domésticos deberán unificar no interior do edificio ou parcela todos os vertidos xerados polos procesos produtivos e minimizando sempre que sexa técnica e economicamente viable, o número de puntos de conexión a colectores. Ao mesmo tempo, respectarán as redes separativas de xeito que non poderán verter as augas pluviais na rede interna de augas residuais e viceversa. Deberanse aplicar as oportunas técnicas de drenaxe urbana sustentable e incorporar unha arqueta interior que permita a separación de graxas de acordo coas ITOHG aprobadas por Augas de Galicia.



Luns, 22 de xullo de 2024

Núm. 142

3. Toda acometida de rede de sumidoiros deberá dispor dun pozo de rexistro no encontro co colector principal ou ben unha arqueta construída sobre a acometida e pegada á fachada ou límite da propiedade.
4. Nas instalacións de tipo industrial, a infraestrutura de saneamento interior deberá dispor das instalacións de tratamento necesarias para garantir que o efluente reúne as condicións físico-químicas esixidas por este regulamento.
5. Toda instalación que verta augas residuais non domésticas deberá situar, antes da conexión ao sistema e en todas e cada unha das conexións que posúa, unha arqueta de rexistro, se é posible fóra do recinto fabril, e en todo caso libre de calquera obstáculo e accesible en todo momento aos servizos técnicos competentes para a obtención de mostras e medición de caudais.
6. O Concello concederá o permiso de acometida á rede municipal de saneamento tras a supervisión da correcta conexión.
7. En caso de concesión de licenza municipal de demolición a un inmovible que dispuxera de acometida á rede municipal de saneamento, deberase esixir nesta o selado da acometida existente co fin de poder recuperala nun futuro para o novo uso do inmovible ou, de ser o caso, para evitar posibles inundacións ou filtracións no solar. Este selado deberáselle comunicar á entidade xestora.
8. Para os usuarios obrigados a obter o permiso de vertido, a súa obtención será requisito previo e preceptivo para conseguir o título habilitante de conexión de acometida.
9. As acometidas de saneamento que, pola súa antigüidade e mal estado, non cumpran correctamente as súas funcións e deban ser substituídas na súa totalidade, suporán a realización pola entidade xestora dun orzamento que será presentado ao particular para proceder ao cambio da acometida. En todo caso o Concello quedará eximido de toda responsabilidade fronte aos eventuais efectos de mal funcionamento da acometida de saneamento, que serán de conta exclusiva do particular.
10. As obras de conexión ao sistema público de saneamento estarán suxeitas ás prescricións da normativa urbanística que resulte aplicable. Os criterios, metodoloxía, materiais, tipo de acometida e a súa execución deberán contar previamente coa autorización da entidade xestora da instalación receptora da vertido.
11. Todos os gastos derivados das actuacións de conexións ao sistema serán por conta da persoa usuaria, mentres que a conservación e mantemento corresponde á entidade xestora no tramo que transcorre na vía pública.
12. As persoas usuarias que non queden suxeitas á obriga de conexión deberán dispoñer dun sistema propio de tratamento das augas residuais e, de ser o caso, da correspondente autorización de vertido outorgada polo organismo de conca competente en razón do territorio.



Luns, 22 de xullo de 2024

Núm. 142

Artigo 12.-Prohibicións e limitacións

1. Queda totalmente prohibido:

- a) O vertido á rede de saneamento das substancias relacionadas no Anexo I-A, “Vertidos prohibidos”, desta Ordenanza.
- b) A dilución para conseguir os niveis de emisión que permitan o vertido á rede de saneamento excepto nos supostos de urxencia ou de perigo inminente e, en todo caso, previa comunicación á entidade xestora de acordo co disposto no artigo 22.
- c) O vertido de augas residuais ou calquera outro tipo de residuos dende camións cisterna ou doutro tipo, á rede de saneamento.
- d) O vertido ás redes de saneamento de augas brancas cando poida adoptarse unha solución técnica alternativa por existir no contorno da actividade unha rede separativa ou unha canle pública.
- e) O vertido procedente de actividades agropecuarias e, en concreto cortes e granxas, á rede de saneamento municipal. As augas residuais xeradas nesas actividades deberán ser xestionadas de acordo coa normativa de aplicación.

2. Limitacións ao vertido:

- a) Os vertidos industriais que conteñan substancias das relacionadas no Anexo II desta Ordenanza deberán respectar as limitacións alí establecidas, sen que poida admitirse a dilución para conseguir os devanditos límites.
- b) Como norma xeral, o caudal de augas residuais se verterá de forma distribuída ao longo do día. En todo caso, como norma xeral, os caudais máximos instantáneos non poderán superar o triplo do caudal medio diario autorizado. Esta limitación poderá ser variada, en función das posibilidades da rede e das estratexias de explotación pola Entidade Xestora, previa comunicación ao usuario.
- c) A Entidade Xestora poderá obrigar a reducir ou regular o caudal do vertido das industrias cando as condicións da rede ou as instalacións de depuración así o aconsellen, ou en casos en que o mesmo constitúa un grave risco para o sistema no seu conxunto, incluído o medio receptor. Poderá ser requirida a imposición dun réxime de vertido determinado, nun horario e cun caudal específico debendo o usuario implantar os medios de almacenamento temporal, regulación e bombeo precisos. Esta obrigación poderá ter carácter temporal, estacional ou permanente.
- d) As actividades con vertidos que incorporen substancias perigosas deberán cumprir os valores límite de emisión establecidos na normativa vixente en materia de augas.

Artigo 13.-Condicións para a utilización da rede municipal de saneamento

- 1. En función do tipo de usuario e da natureza das augas residuais que se incorporen á rede municipal de saneamento, están obrigados a solicitar o permiso de vertido regulado nos artigos seguintes os usuarios especificados na seguinte táboa:

Pode verificar a integridade deste documento no seguinte enderezo:
<https://sede.depo.gal>
Código seguro de verificación: OOLJS3Q74SX7ZJ7K



Luns, 22 de xullo de 2024

Núm. 142

TIPO DE USUARIO	NATUREZA DAS AUGAS QUE VERTE	REQUIRE PERMISO DE VERTIDO
DOMÉSTICO	Domésticas	NON
<i>NON DOMÉSTICO</i>		
Comercial	Asimilables a domésticas	NON
Turístico	Asimilables a domésticas	NON
Hosteleiro	Non asimilables a domésticas	NON
Industrial	Non asimilables a domésticas	SI*
Especial	Non asimilables a domésticas	SI

2. Ademais, quedan obrigados a obter o permiso de vertido ao sistema público de saneamento os seguintes usuarios:

a) Os usuarios non domésticos cuxa actividade estea comprendida nos correspondentes epígrafes da vixente CNAE-2009, aprobada polo Real decreto 475/2007, ou outros códigos oficiais equivalentes, así como aqueles outros usuarios non domésticos cuxo vertido sexa superior a 2000 metros cúbicos anuais.

b) Os usuarios cun volume de vertido inferior a 2000 metros cúbicos anuais pero que orixinen contaminación especial nos termos do artigo 47.1.c) da Lei 9/2010, de augas de Galicia.

c) As instalacións que sexan requiridas ao efecto por parte do Concello.

d) Os concellos cuxa rede de saneamento municipal verta á de propiedade deste concello.

3. *Nos usuarios industriais, aquelas instalacións con actividade produtiva que non utilicen auga de proceso e que xeren augas residuais asimilables a domésticas en canto a súa caracterización e carga (procedentes de baños e aseos) pero cun caudal superior a un doméstico, quedarán exentos da obriga de obter permiso de vertido xustificando dita excepción.

4. O resto dos usuarios cuxa actividade xere augas residuais domésticas quedan suxeitos ás regulamentacións que dite a entidade xestora e, en todo caso, ás prohibicións establecidas no anexo I desta Ordenanza.

5. A entidade xestora poderalle esixir ao peticionario a caracterización do vertido por un laboratorio acreditado para determinar o tipo de usuario de que se trata.

6. As augas residuais procedentes de usuarios non domésticos cuxas augas presenten graxas, aceites ou outro produto destas características deberán dispor do correspondente separador de graxas construído na forma axeitada para adecuar os vertidos aos límites considerados nesta Ordenanza.

7. No caso de vertidos procedentes de colectores ou redes de saneamento doutros termos municipais, ou pertencentes a outras administracións ou organismos dependentes destas, será titular e responsable do vertido o titular da rede da que provén xusto antes do punto de vertido. Estes vertidos terán consideración de augas residuais de carácter supramunicipal.



Luns, 22 de xullo de 2024

Núm. 142

Artigo 14.-Permiso de vertido

1. Entenderase por permiso de vertido municipal aquel que ten por finalidade comprobar que a evacuación das augas residuais por medio da rede de saneamento municipal, ou o vertido directo na estación depuradora, acomódase ás normas establecidas, e que a composición e características das augas residuais mantéñense dentro dos límites establecidos.
2. No caso de que a evacuación das augas residuais sexa ao dominio público hidráulico ou ao dominio público marítimo-terrestre, a autorización do vertido corresponderá ao Organismo de cunca ou á Administración hidráulica competente.
3. O permiso de vertido á rede de saneamento municipal outorgarao o Concello aos usuarios indicados no artigo 13.
4. O outorgamento do devandito permiso faculta aos mencionados usuarios para realizar vertidos de augas residuais á rede de saneamento nas condicións que nel se establezan.
5. O permiso de vertido estará condicionado ao cumprimento do establecido nesta Ordenanza, e terá, con carácter xeral, excepto por razóns xustificadas debidamente motivadas, unha validez máxima de 8 anos, renovable por idénticos períodos, por consentimento expreso da Entidade Xestora e por escrito, sen prexuízo da obrigada revisión antes dese prazo nos casos previstos no artigo 18. Nos supostos de actividades comprendidas no ámbito de aplicación da normativa en vigor en prevención e control integrados da contaminación, a vixencia do permiso someterase ao prazo da autorización ambiental integrada.
6. Non se permitirá ningunha conexión á rede de saneamento municipal en tanto non se teñan efectuadas as obras ou instalacións especificamente determinadas, así como as modificacións ou acondicionamentos técnicos que, á vista dos datos aportados na solicitude do permiso de vertido, estableza o Concello.
7. O permiso de vertedura regulado neste regulamento establécese sen prexuízo do resto das competencias municipais en materia de redes de sumidoiros e da obtención por parte da persoa usuaria de cantos permisos sexan necesarios ata chegar a conectarse ao sistema público de saneamento.
8. O prazo máximo para ditar resolución será de 6 meses dende que se reciba a solicitude de permiso. Transcorrido devandito prazo sen que se ditara resolución, a solicitude de permiso de vertido entenderase denegada.

Artigo 15.-Solicitude do permiso de vertido

1. Antes de efectuar ningún vertido de augas residuais ao sistema, os titulares das actividades indicadas no artigo 13.2 deben solicitar do Concello o correspondente permiso de vertido e, para estes efectos, achegarán a documentación que se indica no anexo III desta Ordenanza.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: OOLJS3Q74SX7ZJ7K



Luns, 22 de xullo de 2024

Núm. 142

2. Naqueles casos en que sexa necesario tratamento previo á conexión coa rede de saneamento segundo o disposto no artigo 20, será necesaria a elaboración dun proxecto redactado por un técnico competente que, en todo caso, certifique que a actividade cumpre coas condicións de funcionamento e impacto ambiental que fosen establecidas; en especial:

- a) Que as estimacións efectuadas dos parámetros de vertido á rede son válidas.
- b) Que as instalacións de tratamento e depuración están realizadas e son axeitadas.

Ademais, no caso de que se efectúe unha caracterización, esta deberá ser realizada por un organismo de control autorizado ou unha entidade colaboradora da Administración hidráulica, que elaborará un informe que inclúa as medicións, inspeccións e análises realizadas.

Artigo 16.-Procedemento para a obtención do permiso de vertido

1. O procedemento para obter o permiso de vertido, no caso de actividades comprendidas no ámbito de aplicación danormativa de prevención e control integrados da contaminación que aprobe a Comunidade Autónoma de Galicia, será o establecido nas mencionadas normas.
2. Noutro caso, serán de aplicación as normas do procedemento administrativo común.
3. En ningún caso é posible a obtención do permiso de vertido por silencio administrativo, que será desestimatorio.
4. De acordo cos datos achegados polo solicitante, o Concello resolverá no sentido de:
 - a) Prohibir totalmente o vertido cando as características que presente non poidan ser corrixidas polo oportuno tratamento previo. Neste caso, o interesado deberá solicitar a correspondente dispensa de vertido á rede de saneamento pública, xuntando á súa solicitude o estudo demostrativo da imposibilidade do vertido á rede de colectores de titularidade municipal. A entidade xestora obrigará ao solicitante a proceder á desconexión da súa rede privada de saneamento da rede pública no caso de que xa estivese realizada a acometida.
 - b) Autorizar o vertido de forma condicionada.
 - c) Autorizar o vertido sen máis limitacións que as contidas nesta Ordenanza.
5. En todo caso, a denegación do permiso será motivada e indicará necesariamente as razóns que a determinen, cuxa corrección producirá o seu outorgamento.
6. En caso de solicitude de novas acometidas, a obtención previa do permiso de vertido presentarase xunto á solicitude de acometida á rede de saneamento municipal.

Artigo 17.-Contido do permiso de vertido

O permiso de vertido que outorgue o Concello incluírá, como mínimo, os seguintes puntos:

- a) Datos de identificación do titular da actividade e do inmovible, planta, instalación ou local onde se xera o vertido.



Luns, 22 de xullo de 2024

Núm. 142

- b) Cualificación do usuario e tipoloxía das augas residuais.
- c) Identificación e localización do punto de vertido. A situación (coordenadas UTM) do punto de conexión coa rede de saneamento municipal.
- d) Orixe e características dos efluentes de augas residuais autorizados.
- e) Os valores límite de emisión, ou valores límite de vertido, das características cualitativas do vertido, tanto en concentracións máximas instantáneas como en concentracións medias máximas.
- f) Os límites cuantitativos do vertido, indicando o caudal medio diario e o volume máximo diario e o máximo caudal instantáneo e a súa duración.
- g) Horario de vertido.
- h) Obriga de instalar, no prazo máximo de seis meses desde a notificación da resolución, unha arqueta coas características que se definan no permiso, facilmente accesible e identificable, que permita as tarefas de inspección e control recollidas na resolución de permiso de vertido.
- i) Prazo para adaptarse aos límites de vertido especificados no propio permiso.
- j) O programa de control do vertido. O titular do vertido deberá realizar un programa de autocontrol nos supostos de vertidos que comporten un risco elevado de impacto sobre o sistema de saneamento, de acordo co disposto no artigo 26. A Entidade Xestora definirá en cada caso particular os vertidos que supoñan un risco elevado, en función do caudal de vertido, dos contaminantes, ou das cargas contaminantes.
- k) O formato e contido dos informes do autocontrol que o titular do permiso de vertido lle deberá remitir á entidade xestora, especificando a súa periodicidade.
- l) Prazo de validez do permiso de vertido.
- m) As actuacións e medidas que, en caso de emerxencia, deban ser postas en práctica polo titular do permiso de vertido e o protocolo de contacto directo coa entidade xestora para a comunicación de vertidos accidentais e de emerxencia.
- n) No seu caso, excepcións temporais dos requirimentos do Anexo II para aqueles parámetros tratables na EDAR ou de impacto pouco significativo sobre os obxectivos de calidade do medio receptor, sempre que se aprobe un programa que garanta o seu cumprimento no prazo que fixe a Entidade Xestora. Rematado o prazo fixado o Concello realizará unha inspección para verificar o fin da situación de excepción.
- o) En razón dos riscos da actividade, poderanse requirir para a obtención do permiso de vertido, seguros, avais ou fianzas que cubran os posibles danos derivados dos ditos riscos.
- p) Calquera outra condición que a entidade xestora considere oportuna en razón das características específicas do caso.

Artigo 18.-Revisión do permiso de vertido

1. Sen prexuízo do disposto na normativa de prevención e control integrados da contaminación, o permiso de vertido ao sistema deberá revisarse, logo de audiencia



do interesado, cando se produza algún cambio significativo na composición ou no volume do vertido, cando se alteren substancialmente as circunstancias do momento que motivaron a súa concesión, ou cando sobreveñan outras que xustificarian a súa denegación ou a súa aprobación en termos diferentes.

2. En todo caso, procederase á revisión do permiso de vertido:
 - a) Cando a carga contaminante vertida por unha actividade resulte significativa, en relación coa carga total tratada polo sistema de depuración, e poida dificultar a súa depuración nas condicións idóneas.
 - b) Cando o efecto aditivo ou sinérxico das augas residuais de diferentes vertidos poida dificultar o tratamento do sistema nas condicións idóneas.
 - c) Cando remate o período de vixencia de 8 anos ou o expresamente establecido conforme ao sinalado no artigo 14.5. por razóns xustificadas debidamente motivadas.
 - d) Cando se produza a aprobación da nova normativa básica ou sectorial ou modificacións da existente, que afecte ao estipulado nesta ordenanza.
3. O Concello poderá modificar as condicións do permiso de vertido cando as circunstancias que motivaron a seu outorgamento fosen alteradas ou sobreviren outras que, de existir con anterioridade, terían xustificada a súa denegación ou o outorgamento en termos distintos podendo ser o caso de decretar a suspensión temporal ata que ditas circunstancias sexan superadas. Neste suposto, o usuario será informado, con suficiente antelación, das posibles modificacións e dispoñerá do tempo axeitado para adaptarse ao seu cumprimento, de acordo co previsto no seguinte punto.
4. O usuario será informado con suficiente antelación das posibles modificacións e terá dereito a formular as alegacións que considere oportunas, fixándoselle un prazo de adaptación que non excederá dun ano, a contar dende a aprobación da revisión.
5. Se o titular do permiso non realiza as modificacións no prazo concedido, poderase declarar a caducidade do permiso, sen prexuízo da imposición das sancións oportunas.
6. En ningún caso a revisión do permiso de vertido comporta para o seu titular dereito a indemnización algunha.

Artigo 19.-Revogación do permiso de vertido

O permiso de vertido, previa audiencia do seu titular, poderá ser revogado nos seguintes supostos.

- a) Por petición do titular do contrato, ao cesar o vertido e, polo tanto, o requirimento do servizo.
- b) Por incumprimento, por parte do titular do permiso, das obrigas que deste derivan, ou dos requirimentos efectuados para o seu cumprimento.
- c) Cando o titular do servizo perda o seu dominio de uso sobre o inmovible obxecto do contrato.



Luns, 22 de xullo de 2024

Núm. 142

- d) Por revogación, caducidade ou anulación da autorización ou licenza que permitía o desenvolvemento da actividade que causa o vertido.
- e) Por cambio de uso das instalacións para as que se outorgou o permiso de vertido.
- f) Por incumprimento por parte do usuario dos requirimentos efectuados pola entidade xestora respecto ao tratamento previo dos vertidos ou de reparación das instalacións para adecuar o vertido ás condicións establecidas no correspondente permiso de vertido.
- g) Como consecuencia dunha sanción que leve implícita a perda do permiso.
- h) A non aceptación ou incumprimento das modificacións do permiso de vertido impostas como consecuencia dunha revisión.
- i) Cando o usuario permita o uso das súas instalacións de vertido a terceiros.
- j) Cando se cese nos vertidos por un tempo superior a un ano.

Artigo 20.-Tratamento previo á conexión

1. As augas residuais que non cumpran as limitacións que, para o seu vertido na rede municipal de saneamento, se establecen nesta Ordenanza, o seu titular deberá presentar ante a entidade xestora, ademais da correspondente solicitude de permiso, o necesario proxecto dunha instalación de pretratamento ou depuradora específica a fin de atinxir aquelas condicións.
2. As instalacións necesarias para realizar o dito tratamento previo destas augas residuais formarán parte do sistema de saneamento privado, e definiranse suficientemente na solicitude do permiso de vertido, á que se xuntará o proxecto correspondente e os estudos e cálculos xustificativos da súa eficacia. A aprobación do proxecto por parte da Administración xestora comporta que o permiso de vertido quede condicionado á eficacia do pretratamento de forma que se este non conseguise os resultados previstos, quedará sen efectos.
3. Cando, excepcionalmente, varios usuarios se unan para efectuar conxuntamente un tratamento previo das súas augas residuais, deberán obter un permiso de vertido para o efluente final conxunto, con declaración de todos os usuarios que o compoñan. A responsabilidade do cumprimento das condicións establecidas no permiso de vertido será da comunidade de usuarios e solidariamente de cada un deles. Neste caso, cada un dos usuarios deberá instalar antes da confluencia dos vertidos, seccións de control individuais para o control e medición independente dos efluentes.
4. En calquera caso, o permiso de vertido quedará condicionado á eficacia do tratamento previo, de tal xeito que, se este non producise os resultados previstos, quedará sen efecto o dito permiso e prohibido o vertido desas augas residuais á rede de saneamento municipal.

Artigo 21.-Dispensa do permiso de vertido



1. Se non fose posible que as augas residuais que cómpre verter se manteñan dentro dos límites fixados nesta Ordenanza, nin sequera mediante tratamentos previos, o interesado deberá desistir na actividade que as produce ou adoptar as previsións necesarias, mediante a realización das obras ou instalacións precisas, para que as augas residuais non admisibles na rede de saneamento ou planta depuradora se almacenen e evacúen mediante outros medios a outro tipo de planta especial ou depósito de seguridade que garantan un idóneo destino final axustado á normativa vixente.
2. Para estes efectos, o interesado deberá solicitar a correspondente dispensa de vertido á rede de saneamento, xuntando á súa solicitude un estudo demostrativo da imposibilidade de adecuar ese vertido á Ordenanza. Coa periodicidade que se determine ao dispensarlle o vertido á rede pública municipal de saneamento, o interesado deberá xustificar a súa situación en relación coa eliminación do vertido.

Artigo 22.-Descargas accidentais e situacións de emerxencia.

1. Cada persoa usuaria deberá tomar as medidas adecuadas para evitar as descargas accidentais de vertidos que poidan ser potencialmente perigosos para a saúde das persoas ou a seguridade das instalacións que compoñen o sistema público de saneamento e depuración, así como para o medio receptor.
2. Cando por accidente, fallo de funcionamento ou da explotación das instalacións da persoa usuaria se produza un vertido que estea prohibido e que sexa capaz de orixinar unha situación de emerxencia ou perigo tanto para as persoas coma para o sistema de saneamento e depuración, o usuario deberá comunicar de forma urxente a circunstancia producida á entidade xestora do sistema así como ao número de emerxencias 112, co obxecto de evitar ou reducir ao mínimo os danos que se poidan causar. A comunicación efectuarase utilizando o medio máis rápido e indicaranse, polo menos: substancias descargadas, volume aproximado descargado, horario en que se produciu a descarga e concentracións aproximadas das substancias vertidas.
3. Unha vez producida a situación de emerxencia, o titular do vertido utilizará todos os medios ao seu alcance para reducir ao máximo os efectos da descarga accidental.
4. O titular deberá remitir á Entidade Xestora do sistema, no prazo máximo de corenta e oito horas, un informe detallado do acontecido, no cal deberán figurar os seguintes datos: identificación da empresa, caudal e materias vertidas, causa do accidente, hora en que se produciu, medidas correctoras inmediatas tomadas, hora e forma en que se comunicou o suceso, as medidas adoptadas para controlalo, e as posibles accións para evitar a súa repetición.
5. As actividades con risco potencial de produciren vertidos accidentais ou de emerxencia, deberán ter establecidos protocolos de emerxencia para minimizar os danos que se poidan producir nas instalacións de saneamento e depuración, así como no medio receptor. Estes plans de emerxencia esixiranse no propio permiso de vertido e deberán presentar coa solicitude.



Luns, 22 de xullo de 2024

Núm. 142

6. Se por motivos de mantemento fose necesario incumprir puntualmente os parámetros do permiso de vertido, o titular da actividade deberalle solicitar previamente autorización á entidade xestora para que tome as medidas axeitadas e así evitar afectar ás instalacións municipais de saneamento e depuración.
7. Se, como consecuencia dos vertidos ou descargas accidentais, do fallo no funcionamento das instalacións de tratamento previo, ou da persistencia de vertidos non tolerados ou prohibidos prodúcense danos sobre a rede municipal de saneamento, procederase á súa valoración pola Entidade Xestora conforme ao establecido no artigo 33 da presente Ordenanza. Esta valoración será comunicada por escrito ao titular do vertido causante dos danos.
8. Os custos das operacións a que dean lugar os accidentes que ocasionen situacións de emerxencia ou de perigo, así como os de limpeza, remoción, reparación ou modificación do sistema de saneamento e depuración a que dean lugar as descargas accidentais ou debido á persistencia dos vertidos tolerados ou prohibidos, deberanlle ser aboados á entidade xestora polo usuario causante do dano.
9. Sen prexuízo do establecido nos epígrafes anteriores, o Concello deberalle comunicar á Administración competente e, de ser o caso, aos tribunais de xustiza os feitos e as súas circunstancias cando das actuacións realizadas por aquela se puxese de manifesto a existencia de negligencia ou intencionalidade por parte do titular do vertido ou do persoal dependente del, exercendo as accións pertinentes para determinar en cada caso a responsabilidade en que puidesen incurrir e o correspondente resarcimento dos danos e perdas producidos como consecuencia do incumprimento desta Ordenanza.

Artigo 23.-Censo de vertidos á rede municipal de saneamento

1. O Concello levará un censo informatizado de vertidos ao sistema no que inscribirán os vertidos sometidos a permiso, e no que constarán, como mínimo, os seguintes extremos:
 - a) Nome, enderezo, CNAE e NIF do titular do permiso.
 - b) Datos básicos do caudal de auga de abastecemento, e/ou abastecemento autónomo, e do vertido.
 - c) Condicións básicas do permiso, incluíndo a localización con coordenadas UTM e o acceso ao punto de vertido.
 - d) Situación administrativa do permiso.
 - e) Datos relativos á contaminación e características do vertido conectado.
 - f) Informe analítico do vertido, renovado con periodicidade anual.
2. O censo de vertidos estará ao dispor da Administración hidráulica de Galicia e da Administración hidráulica do Estado. Así mesmo, todos aqueles datos do censo que non provoquen a vulneración da Lei de Protección de Datos serán públicos e poderán ser consultados de forma presencial nas dependencias municipais.



Luns, 22 de xullo de 2024

Núm. 142

3. Tomando como base o mencionado censo, así como os resultados das comprobacións efectuadas na rede, a entidade xestora poderá cuantificar periodicamente as diversas clases de vertidos, co fin de actualizar as limitacións das descargas e os conseguintes permisos de vertido, así como dispor as actuacións preventivas, reparadoras e/ou correctoras que sexan necesarias.
4. O Concello deberá informar periodicamente sobre o seu censo de vertidos ao xestor ou responsable do sistema de depuración correspondente, no caso de que se trate de distintas entidades xestoras para as instalacións de saneamento e as de depuración.
5. Cando unha mesma entidade xestora teña ao seu cargo a xestión do saneamento en baixa e o servizo de depuración de augas residuais, deberá incluír no censo os vertidos non canalizados aos que se refire o artigo seguinte.

Artigo 24.-Vertidos non canalizados

1. Queda totalmente prohibido, salvo expresa autorización da entidade xestora, o vertido das augas residuais, ou de calquera outro tipo de residuo, mediante sistemas non canalizados (camións cisterna, ou doutro tipo) á rede municipal de saneamento.
2. Os vertidos á EDAR provenientes de sistemas non canalizados deberán ser autorizados pola entidade explotadora desta, de acordo coas regulamentacións técnicas que adopten e, en todo caso, tendo en conta o sinalado no artigo 18 do Regulamento marco establecido polo Decreto 141/2012, do 21 de xuño, e sen prexuízo dos permisos e autorizacións esixibles segundo a normativa de residuos. En todo caso, estes vertidos só poderán proceder de actividades domésticas ou asimilables a domésticas.

CAPÍTULO IV

INSPECCIÓN E CONTROL

Artigo 25.-Inspección e control por parte da entidade xestora

1. Todas as cuestións relativas á inspección e control derivadas do cumprimento do previsto nesta Ordenanza se remiten á regulación contida no Decreto 141/2012, do 21 de xuño, polo que se aproba o Regulamento marco do servizo público de saneamento e depuración de augas residuais de Galicia.
2. A entidade xestora do sistema de saneamento poderá solicitar permisos, autorizacións e documentación acreditativa de xestión de lodos a saneamentos autónomos e usuarios non domésticos.

Artigo 26.-Autocontrol dos vertidos

1. Nos casos en que, de conformidade co artigo 17, o permiso de vertido así o esixa, o seu titular tomará as mostras e procederá a realizar as análises que se especifiquen no propio permiso para verificar que non se superan as limitacións establecidas.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: OOLJ53Q74SX7ZJ7K



Luns, 22 de xullo de 2024

Núm. 142

2. Os resultados das análises deberanse conservar polo menos durante tres anos.
3. O titular do permiso de vertido terá un plan de autocontrol, que estará á disposición da entidade xestora e dos inspectores, no que constarán: a periodicidade dos autocontrois, o lugar en que se tomaron as mostras, a data en que se realizou a toma e as determinacións analíticas, así como calquera outro dato que se considere procedente solicitar.
4. A entidade xestora poderá requirir ao usuario para que presente periodicamente un informe sobre o efluente vertido se así foi establecido no permiso de vertido.
5. A entidade xestora poderá modificar a periodicidade de control se así o estima conveniente polas características singulares do vertido.
6. A análise das mostras deberá ser realizada mediante metodoloxía oficial nun laboratorio externo acreditado, segundo os requisitos establecidos nas normas da serie UNE-EN ISO/IEC 17025, ou a que no futuro a substitúa, que sexa de aplicación en función do seu ámbito de actuación e/ou rexistrado pola Administración.
7. En caso de que non exista medición de caudal vertido, tomarase como dato do caudal o valor da auga consumida. No caso de existiren diferencias significativas, poderá requirírselle ao titular do vertido a instalación un equipamento de medida homologado para a medida do efluente.

CAPÍTULO V

RÉXIME DE INFRACCIÓNS E SANCIÓN

Artigo 27.-Responsabilidade e infraccións

1. As accións e omisións que contraveñan o establecido nesta Ordenanza xerarán responsabilidade administrativa, sen prexuízo da civil ou penal que, de ser o caso, puidese ser esixible.
2. As accións ou omisións que provocasen, directa ou indirectamente, afección á calidade das augas no dominio público hidráulico ou no dominio público marítimo-terrestre serán constitutivas das infraccións que para o efecto prevé a lexislación vixente en materia de augas, e serán sancionadas polos órganos administrativos que teñan atribuídas tales competencias.
3. Para a fixación da correspondente responsabilidade, teranse en conta as seguintes regras:
 - a) Cando existan varios responsables e non sexa posible determinar o grao de participación de cada un deles na comisión da infracción, a responsabilidade esixirase solidariamente.
 - b) Cando os danos se produzan pola realización de diversas actividades efectuadas por distintos usuarios, poderase imputar individualmente esta responsabilidade e

Pode verificar a integridade deste documento no seguinte enderezo:
<https://sede.depo.gal>
Código seguro de verificación: OOLJS3Q74SXZJ7K



os seus efectos económicos, sempre que fose posible coñecer o grao de implicación de cada unha.

c) Cando se trate de obrigas de carácter colectivo, tales como limpeza, mantemento e conservación de instalacións comúns, a responsabilidade esixiráselle á correspondente comunidade se a houbese e, se non, esixirase solidariamente.

4. As infraccións clasificaranse en leves, graves e moi graves.

5. Considéranse infraccións LEVES:

a) O vertido á rede de saneamento de titularidade municipal de augas residuais de natureza doméstica ou asimilable a doméstica sen contar co título habilitante de conexión, cando este sexa necesario, ou sen respectar as características das acometidas requiridas no seu caso polo concello.

b) A construción e modificación de sumidoiros, acometidas ou conexións á rede, ou instalacións anexas a esta, mesmo sendo de propiedade particular, sen ter a licenza de acometida, ou sen axustarse ás condicións sinaladas na licenza concedida ou ás características técnicas esixidas nesta Ordenanza.

c) A utilización de sistemas autónomos de saneamento (fosas sépticas ou similares) non autorizados, o incumprimento das correspondentes obrigas de limpeza e mantemento destes, o non envío a un xestor autorizado do produto resultante das operacións de limpeza ou a conexión a estes sistemas de augas non permitidas na Ordenanza (artigos 8.3 e 8.6) sempre que non produza unha afección ao medio receptor, caso en que terán a consideración de infraccións graves.

d) A non conexión ao sistema de saneamento por parte dos usuarios obrigados a iso, e sempre que non se produza unha clara afección ao medio receptor por parte dos sistemas autónomos empregados, ou ben por xerar escorreduras de augas residuais en terreos públicos ou privados, casos en que terá a consideración de grave.

e) A dilución e o vertido de augas brancas, agás que se trate dun volume desproporcionado ou que resulte rendible polo beneficio obtido acadar os límites de vertido por dilución, caso en que terá a consideración de grave.

f) A falta de información á entidade xestora do aumento do volume do caudal de vertido en máis dun 10%.

g) O incumprimento das condicións establecidas no permiso de vertido, sempre que non se lles causen danos ás instalacións de saneamento municipal, ou ben cando estes danos non superen os 4.000 euros.

h) As accións e omisións das que deriven danos ou perdas para a integridade ou o funcionamento dos bens de dominio público que conforman o servizo de saneamento municipal que non superen os 4.000 euros.

i) No caso de existir unha sección de control (v.g. unha arqueta tomamostras), a modificación das súas características ou dimensións, ou a manipulación dos equipamentos por persoal alleo ao Concello.



Luns, 22 de xullo de 2024

Núm. 142

- j) O incumprimento do plan de autocontrol cando así sexa esixido no permiso de vertido.
- k) A desobediencia aos requirimentos do Concello en relación coa adecuación de vertidos ou instalacións ás condicións regulamentarias, e tamén en relación coa remisión de datos e informacións sobre as características do efluente, das actividades ou procesos que o xeran, ou das instalacións de tratamento previo.
- l) O vertido das augas residuais, ou de calquera outro tipo de residuo, mediante sistemas non canalizados (camións cisterna ou doutro tipo) á rede municipal de saneamento, sempre que se trate de vertidos procedentes de actividades domésticas ou asimilables e non estean autorizadas, segundo se establece no artigo 24.
- m) Incumprimento de calquera prohibición establecida nesta Ordenanza ou a omisión dos actos a que obriga, sempre que non estean considerados como infraccións graves ou moi graves.

6. Considéranse infraccións GRAVES:

- a) Calquera conduta indicada no punto 5 da que deriven danos para o dominio público municipal ou perdas comprendidas entre 4.001 e 15.000 euros.
- b) A obstrución ao labor inspector do Concello no acceso ás instalacións ou a negativa a facilitar a información requirida.
- c) A realización de vertidos das substancias prohibidas relacionadas no anexo I-A desta Ordenanza.
- d) O vertido á rede de saneamento de titularidade municipal de augas residuais de natureza distinta á doméstica sen contar co permiso de vertido correspondente ou con el caducado, revogado ou suspendido.
- e) O vertido á rede de saneamento de titularidade municipal de augas residuais de natureza distinta á doméstica con superación dos valores esixidos nos anexos I e II ou con vulneración dos esixidos no permiso de vertidos.
- f) O vertido de augas residuais sen tratamento previo, cando estas o requiran, ou sen respectar as limitacións especificadas nesta Ordenanza.
- g) A non comunicación de circunstancias que comporten unha revisión do permiso de vertido.
- h) A ocultación ou falseamento de datos esixidos na solicitude de vertido, e determinantes para o outorgamento do permiso de vertido e/ou licenza de acometida.
- i) A falta de comunicación das situacións de fugas, avarías, perdas, emerxencia ou perigo que lles poidan afectar ás instalacións de saneamento municipal ou causar contaminación ou perigo en bens públicos ou privados, así como o incumprimento das ordes do Concello derivadas de tales situacións de perigo ou emerxencia.
- j) A non existencia das instalacións e equipamentos necesarios para a realización dos controis requiridos, ou mantelos en condicións non operativas.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: OOLJ53Q74SX7J7K



Luns, 22 de xullo de 2024

Núm. 142

- k) A resistencia ou demora na instalación de elementos correctores que fosen esixidos para o cumprimento desta Ordenanza.
- l) A posta en funcionamento de aparellos ou instalacións prohibidos ou clausurados.
- m) A posta en funcionamento de aparellos ou instalacións non autorizadas, ou diferentes dos aprobados para o permiso de vertido, así como a anulación ou manipulación dos que fosen colocados polo Concello.
- n) O vertido das augas residuais, ou de calquera outro tipo de residuo, mediante sistemas non canalizados (camións cisterna, ou doutro tipo) á rede municipal de saneamento, sempre que se trate de vertidos procedentes de actividades non domésticas ou asimilables.

7. Considéranse infraccións MOI GRAVES:

- a) Calquera conduta indicada no punto 6 da que deriven danos ao dominio público municipal ou perdas superiores a 15.000 euros.
- b) As infraccións cualificadas como graves no punto 6 que, por cantidade ou contaminación de vertido, supoñan a existencia dun risco moi grave para a saúde das persoas, os recursos naturais ou o medio ambiente.
- c) O falseamento e/ou a ocultación de datos para a obtención do correspondente permiso de vertido e/ou licenza de acometida se fose susceptible de producir risco para a saúde ou a seguridade das persoas, para os bens do dominio público que conforman o Servizo Municipal de Saneamento ou para o medio natural receptor final do efluente.
- d) O incumprimento das ordes de suspensión de vertidos non permitidos.
- e) Evacuación de vertidos prohibidos nesta Ordenanza ou en condicións diferentes das permitidas, sen autorización administrativa expresa.

Artigo 28.-Sancións

- 1. As infraccións poderán dar lugar á imposición das seguintes sancións:
 - a) Multa.
 - b) Suspensión temporal do permiso de vertido.
 - c) Suspensión definitiva, total ou parcial, do permiso de vertido.
 - d) Peche de instalacións de vertido.
 - e) Prohibición de utilización de instalacións.
- 2. As infraccións tipificadas no artigo anterior serán sancionadas coas seguintes multas:
 - f) Infraccións leves: multa de ata 6.000 euros.
 - g) Infraccións graves: multa dende 6.001 euros ata 30.000 euros.
 - h) Infraccións moi graves: multa dende 30.001 euros ata 150.000 euros.
- 3. As sancións graduaranse en función da reincidencia do infractor, da intencionalidade, do beneficio obtido, da afección producida ao sistema de saneamento ou á calidade do medio receptor e do dano ocasionado ao interese xeral. En todo caso, para a



Luns, 22 de xullo de 2024

Núm. 142

gradación das sancións terase en conta, ademais dos criterios relacionados, o principio de proporcionalidade consagrado no artigo 131.2 da Lei de réxime xurídico das administracións públicas e de procedemento administrativo común.

Artigo 29.-Criterios para a gradación de infraccións e sancións

1. Para a determinación da maior ou menor gravidade das infraccións definidas nos artigos anteriores, así como da sanción que se deberá impor, teranse en conta os seguintes criterios, sen prexuízo dos xa previstos na normativa xeral sobre procedemento administrativo sancionador:
 - a) A afección producida aos bens de dominio público que forman parte do Servizo Municipal de Saneamento ou a outros bens de titularidade municipal.
 - b) A afección producida polo efluente na calidade do medio receptor.
 - c) A súa transcendencia na seguridade das persoas e bens.
 - d) A existencia de dolo.
 - e) As circunstancias do responsable, o seu grao de participación e a cuantificación do beneficio obtido, de ser o caso.
 - f) A reincidencia, pola comisión no termo dun ano de máis dunha infracción da mesma natureza, cando así fora declarada por resolución firme.
2. Considerarase atenuante que a persoa infractora exprese o seu arrepentimento espontáneo e voluntario, cando este se manifeste no recoñecemento dos feitos e na dilixente adopción de medidas correctoras para mitigar o dano en principio causado, tendo en conta igualmente os criterios recollidos no punto anterior.
3. Será agravante que na conduta da persoa infractora se aprecie unha especial vontade ou actitude tendente a agravar o dano inicialmente causado, ou que da falta de colaboración ou axuda para a súa reparación ou mitigación se orixine un dano maior do inicialmente previsto.
4. Na imposición da sanción terase en conta, en todo caso, que a comisión da infracción non resulte máis beneficiosa para o infractor que o cumprimento das normas infrinxidas.

Artigo 30.-Prescripción

1. As infraccións reguladas neste capítulo prescribirán nos prazos seguintes:
 - a) Un ano no caso de infraccións leves.
 - b) Tres anos no caso de infraccións graves.
 - c) Cinco anos no caso de infraccións moi graves.O prazo contarase dende a comisión do feito ou dende a detección do dano, se este non fose inmediato.
2. As sancións á que se refire este capítulo prescribirán nos prazos seguintes:
 - a) As sancións impostas por infraccións leves prescribirán ao ano.
 - b) As sancións impostas por infraccións graves prescribirán aos dous anos.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: OOLJS3Q74SX7J7K



Luns, 22 de xullo de 2024

Núm. 142

c) As sancións impostas por infraccións moi graves prescribirán aos tres anos.

O prazo de prescrición comezará a contarse dende o día seguinte a aquel en que adquira firmeza a resolución en vía administrativa pola que se impón a sanción.

Artigo 31.-Potestade sancionadora: órganos competentes, procedemento, medidas cautelares e publicidade

1. A facultade de instruír e resolver os procedementos sancionadores por infraccións a esta Ordenanza compételle á Alcaldía, ó Pleno ou, de ser o caso, ao órgano que teña delegada por esta a competencia, logo da instrución do correspondente expediente, de conformidade cos principios e procedemento regulados nas Leis 39/2015 do Procedemento Administrativo Común das Administracións Públicas e a Lei 40/2015 do 1 de outubro, de Réxime Xurídico do Sector Público polo que se regula o procedemento para o exercicio da potestade sancionadora.
2. O prazo máximo para a tramitación e resolución do procedemento sancionador será dun ano, contado dende a data do seu inicio. Esgotado dito prazo, producirase a caducidade do procedemento.
3. Mediante acordo motivado, poderanse adoptar en calquera momento do procedemento medidas preventivas dirixidas a asegurar a eficacia da resolución final que se puidese ditar, o bo fin do procedemento, evitar o mantemento dos efectos da infracción, a esixencia dos intereses xerais.

Estas medidas consistirán fundamentalmente en:

- a) Suspensión temporal de actividades, ou permisos, autorizacións ou licenzas.
- b) Establecemento de fianzas que garantan tanto o cobramento da sanción que poida recaer como a reparación ou reposición dos bens danados.
- c) Suspensión provisional dos traballos de execución de obras ou instalacións que contradigan as disposicións desta Ordenanza ou sexan indebidamente realizados.
- d) Requirir ao usuario para que, no prazo que se lle indique, introduza as medidas técnicas necesarias que garantan o cumprimento das prescricións desta Ordenanza.
- e) Ordenarlle ao usuario que, no prazo que se lle fixe, introduza nas obras ou instalacións realizadas as rectificacións precisas para axustalas ás condicións do permiso de vertido ou ás disposicións desta Ordenanza.
- f) Ordenarlle ao usuario que, no prazo que se lle indique, proceda á reparación e reposición das obras e instalacións ao seu estado anterior e á demolición das que foran indebidamente construídas ou instaladas.
- g) Impedir os usos indebidos das instalacións para as cales non se obtivese permiso, ou cando non se axusten ao seu contido ou ás disposicións desta Ordenanza.
- h) Clausura ou precintado das instalacións de vertido, en caso de que non sexa posible técnica ou economicamente evitar o dano mediante as oportunas medidas correctoras.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: OOLJS3Q74SXZJ7K



Luns, 22 de xullo de 2024

Núm. 142

- i) Calquera outra medida de corrección, control ou seguridade que impida a extensión do dano.
4. Igualmente, e con carácter excepcional, previamente á incoación do expediente sancionador, con audiencia da persoa interesada e mediante resolución motivada, o órgano competente para o exercicio da potestade sancionadora ou aquel ao que lle corresponda a función inspectora poderá adoptar e imporlle á persoa presuntamente responsable de calquera dos feitos tipificados como infraccións por esta lei, medidas cautelares, cuxa asunción inmediata sexa necesaria para evitar o mantemento dos danos que puidesen estar sendo ocasionados ou para mitígalos. Estas medidas poderán consistir na paralización da actividade ou obras.
5. En caso de que as medidas cautelares sexan adoptadas por aquel ao que lle corresponda a función inspectora, estas medidas deberán ser ratificadas polo órgano competente para exercer a potestade sancionadora no prazo máximo de catro días naturais.
6. O órgano que exerza a potestade sancionadora publicará no Boletín Oficial da Provincia e na web municipal aquelas sancións impostas pola comisión de infraccións graves e moi graves, así coma os nomes, apelidos ou razón social das persoas físicas ou xurídicas responsables, unha vez que ditas sancións adquiren o carácter de firmes, sempre tendo en conta o disposto e as consideracións contempladas na Lei Orgánica 3/2018, de 5 de decembro, de Protección de Datos Personales y garantía de los derechos digitales.

ARTIGO 32.- REPARACIÓN DO DANO CAUSADO, OBRIGA DE RESTAURACIÓN, MULTAS COERCITIVAS E EXECUCIÓN SUBSIDIARIA

1. Con independencia das sancións que se impoñan, esixiráselles ás persoas infractoras a reparación dos danos e perdas ocasionados aos bens de dominio público municipal e patrimonial, así como a reposición das cousas ao seu estado anterior na forma e nos prazos que determine o órgano que exerza a potestade sancionadora, e cando iso non sexa posible fixaranse as indemnizacións que procedan.
2. A esixencia de repor as cousas ao seu estado primitivo obrigará á persoa infractora a destruír ou demoler toda clase de instalacións ou obras ilegais e a executar cantos traballos sexan precisos para tal fin, de acordo cos planos, forma e condicións que fixe o órgano competente.
3. Naqueles supostos en que se aprecie forza maior ou caso fortuíto e non exista unha infracción administrativa, pero nos que se produza un dano ás instalacións de dominio público que compoñen o Servizo Municipal de Saneamento, ou ao medio natural receptor, a persoa causante do dano terá a obriga de repoñer as cousas ao seu estado primitivo, o que se concretará na retirada dos obxectos, materiais ou elementos, así como na reparación dos bens de dominio público afectado. Esta obriga de repor en ningún caso terá a consideración de sanción.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: OOLJS3Q74SXZJ7K



Luns, 22 de xullo de 2024

Núm. 142

4. A existencia destas medidas reparadoras ou restauradoras, que inclúen as posibles indemnizacións por danos e perdas, poderase facer no propio procedemento sancionador ou, de ser o caso, tramitarse noutro complementario.
5. Se a persoa infractora ou causante do dano non executa as accións necesarias para proceder á reposición ou restauración na forma e prazos sinalados no oportuno requirimento, poderase acordar a execución subsidiaria por conta do infractor e pola súa conta logo do apercibimento e establecemento dun prazo para a execución voluntaria, ou ben a imposición de multas coercitivas. Non será necesario o apercibimento previo na execución subsidiaria cando da persistencia da situación puidese derivar un perigo inminente para a saúde humana ou o medio ambiente.
6. As multas coercitivas serán sucesivas e reiteradas, ata conseguir a execución do ordenado. A contía destas multas será por un importe igual ou inferior, en cada caso, ao 10% do custo da reparación ou da cantidade correspondente á infracción cometida. A contía de cada unha das multas coercitivas non superará o importe da sanción fixada pola infracción cometida.
7. A obriga de repor as cousas ao seu estado primitivo ou de reparar os danos causados ao dominio público prescribirá nun prazo de quince anos.
8. Comunicaráselles ás autoridades autonómicas competentes en materia de saneamento e depuración a relación de sancións graves e moi graves impostas.

Artigo 33.-Valoración de danos

1. Cando os bens alterados non se poidan restablecer ao seu estado anterior, o infractor deberá indemnizar os danos e perdas ocasionados. A valoración destes danos e perdas será realizada polo Concello.
2. A valoración dos danos ás obras hidráulicas, para os efectos de aplicación do réxime sancionador a que se refire este capítulo, determinarase en función dos gastos de explotación e, de ser o caso, de reposición daquelas.
3. Os danos ás obras hidráulicas que conforman os sistemas de saneamento calcularanse en euros/día, como resultado da ponderación do custo diario de explotacións das instalacións públicas afectadas en relación co caudal e carga contaminante do vertido de que se trate.
4. Os servizos competentes do Concello determinarán, de acordo cos orzamentos aprobados para o efecto e as correspondentes certificacións, os gastos de explotación que serán repercutidos ao responsable do vertido de que se trate.
5. A valoración de danos, que servirá de base para a cualificación da infracción e, se é o caso, da indemnización que se deba impor, resultará do cálculo a que se refire o punto 3, multiplicado polo número de días que se considere que o vertido se mantivo en situación irregular.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: OOLJS3Q74SX7ZJ7K



Luns, 22 de xullo de 2024

Núm. 142

6. Para os efectos do disposto no punto anterior, computaranse os gastos correspondentes a todo o período no que a instalación pública de saneamento ou de depuración de augas residuais quedase afectada polo vertido irregular, aínda que esta fose de carácter puntual. En calquera caso, para os efectos do recollido neste artigo, considerarase que calquera vertido irregular se mantén durante, polo menos, un día.
7. Nos supostos de vertidos que non dispoñan de tratamento e que deriven dunha actividade non ocasional, presumirase, salvo proba en contrario, que a calidade deles se mantén indefinidamente.
8. Así mesmo, suporase o mantemento da contaminación do vertido durante o período que medie entre dúas ou máis tomas de mostras consecutivas, cuxos resultados mostren incumprimentos da normativa vixente ou dos límites impostos no correspondente permiso, mesmo a data da toma da mostra seguinte na que a calidade do vertido cumpra a dita normativa ou cos límites impostos no xa citado permiso.
9. A valoración de danos deberá notificarse ao presunto infractor de forma simultánea co prego de cargos que se dite no correspondente expediente sancionador.

*DISPOSICIÓN TRANSITORIA-OBTENCIÓN DO PERMISO DE VERTIDO E DOCUMENTACIÓN
QUE DEBEN PRESENTAR OS USUARIOS XA EXISTENTES*

1. Todos os usuarios titulares das actividades indicadas no artigo 13.2 desta Ordenanza deberán presentar no Concello, no prazo dun ano, contado dende a entrada en vigor desta Ordenanza, unha solicitude de permiso de vertido co fin de se adaptar aos requirimentos e procedementos establecidos nesta Ordenanza.
2. Os usuarios titulares das actividades indicadas no artigo 13.2 desta Ordenanza que dispoñan xa dunha autorización de vertido en vigor outorgada polo Organismo de cunca ou pola Administración hidráulica competente, ou a autorización ambiental integrada da Consellería de Medio Ambiente, Territorio e Infraestruturas da Xunta de Galicia, unicamente deberán presentar ante o Concello de Cerdedo-Cotobade copia desas autorizacións e o informe técnico emitido por un organismo de control autorizado ou por unha entidade colaboradora, así como unha solicitude simplificada coa documentación prevista nos puntos 1, 2 e 3 [a) e b)] do anexo III. Con esta documentación, unha vez revisada, o Concello reserva para si o dereito a solicitarlles aos titulares a documentación adicional ou a adoptar as medidas necesarias para o cumprimento desta Ordenanza.

DISPOSICIÓN DERROGATORIA

Coa entrada en vigor desta Ordenanza quedan derogadas cantas normas municipais de igual ou inferior rango se opoñan, contradigan ou resulten incompatibles co regulado nesta.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: OOLJS3Q74SX7ZJ7K



Luns, 22 de xullo de 2024

Núm. 142

DISPOSICIÓN DERRADEIRA PRIMEIRA

A presente Ordenanza entrará en vigor, ós 15 días dende a publicación íntegra do seu texto no Boletín Oficial da Provincia de Pontevedra.

DISPOSICIÓN DERRADEIRA SEGUNDA

En todo o non previsto nesta Ordenanza, será de aplicación supletoria o Decreto 141/2012, do 21 de xuño, polo que se aproba o Regulamento marco do Servizo Público de Saneamento e Depuración de Augas Residuais de Galicia, e disposicións que o desenvolvan, así como a normativa básica que, ao respecto, dite o Estado.

*ANEXO I**SOBRE A CONTAMINACIÓN DOS VERTIDOS**A. VERTIDOS PROHIBIDOS*

Con carácter xeral, queda prohibido verter directa ou indirectamente ao sistema de saneamento calquera dos seguintes produtos:

- a) Materias sólidas ou viscosas en cantidades ou tamaños tales que, por si soas ou por interacción con outras, poidan producir obstrucións ou sedimentos que impidan o correcto funcionamento dos diferentes elementos da rede de saneamento ou da depuradora de augas residuais, ou dificulten os seus traballos de mantemento.
- b) Sólidos, líquidos ou gases combustibles, inflamables ou explosivos.
- c) Sólidos, líquidos ou gases irritantes, corrosivos ou tóxicos.
- d) Aceites e graxas flotantes sólidas ou semisólidas.
- e) Substancias sólidas potencialmente perigosas.
- f) Microorganismos nocivos ou cultivos celulares sen desactivar.
- g) Residuos sanitarios definidos na vixente normativa nesa materia.
- h) Residuos sólidos ou semisólidos xerados por sistemas de saneamento e depuración.
- i) Residuos de orixe pecuario.
- j) Materias que, por razón da súa natureza, propiedades ou cantidades, por si mesmas ou por integración con outras, poidan orixinar:
 - Calquera tipo de molestia pública
 - A formación de mesturas inflamables ou explosivas co aire.
 - A creación de atmosferas molestas, insalubres, tóxicas ou perigosas que impidan o funcionamento do traballo do persoal encargado da inspección, limpeza, mantemento ou funcionamento do sistema de saneamento.
- k) Residuos radioactivos.



Luns, 22 de xullo de 2024

Núm. 142

- l) Todos aqueles produtos considerados na vixente lexislación sobre residuos perigosos ou sanitarios, para o cal todos os titulares e usuarios afectados disporán do número de rexistro como produtor de residuos perigosos (RP), segundo o disposto na lexislación vixente e levarán un rexistro dos residuos perigosos xerados e entregados a xestor autorizado.
- m) Os que poidan producir concentracións de gases nocivos na atmosfera da rede de saneamento superiores aos límites seguintes:

Produto	Unidade	Valor límite permitido
Dióxido de xofre (SO ₂)	ppm	5
Monóxido de carbono (CO)	ppm	25
Ácido sulfhídrico (SH ₂)	ppm	10
Ácido cianhídrico (CNH)	ppm	4,5
Amoníaco (NH ₃)	ppm	20
Dióxido de carbono (CO ₂)	ppm	15000
Bromo (Br ₂)	ppm	0,1
Cloro (Cl ₂)	ppm	1

**ppm: partes por millón v/v*

B. VERTIDOS CON SUBSTANCIAS PERIGOSAS

1. Será de aplicación o artigo 256 do Real decreto 606/2003, do 23 de maio, polo que se modifica o Real decreto 849/1986, do 11 de abril, polo que se aproba o Regulamento de dominio público hidráulico e o disposto no Real Decreto 817/2015, do 11 de setembro, polo que se establecen os criterios de seguimento e avaliación do estado das augas superficiais e as normas de calidade ambiental ou norma que a substitúa.
2. Os permisos de vertido limitarán as sustancias perigosas propias da actividade causante da vertedura, para asegurar o cumprimento dos valores límite de emisión, así como das normas de calidade ambiental e obxectivos de calidade previstos nos plans hidrolóxicos de conca e nas restantes disposicións legais de aplicación.
3. Para considerar que a vertido contén sustancias perigosas, bastará con que se constate na vertido a presenza dunha das sustancias perigosas en concentración superior ao límite de cuantificación analítica. A efectos da aplicación desta característica, considéranse sustancias perigosas as que figuran nas táboas recollidas no Anexo (4) do RD 606/2003.

ANEXO II

VALORES LÍMITE DE VERTIDO OU DE EMISIÓN

Parámetro	Unidades	Valor límite		
		Medio	Diario máximo	Instantáneo Máximo
1,2 Dicloroetano	mg/L	10	0,4	0,4
Aceites e graxas	mg/L	2,11	Menor de 20	Menor de 20
Aldehídos	mg/L	10	2	2



Luns, 22 de xullo de 2024

Núm. 142

Parámetro	Unidades	Valor límite		
		Medio	Diario máximo	Instantáneo Máximo
Aluminio	mg Al/L	3,10	10	10
Amoníaco	mg/L	10	30	30
Amonio total	mg NH ₄ ⁺ /L	-	Menor de 2 mg/l	Menor de 2 mg/l
AOX	mg/L	4,10	2	2
Arsénico	ug/l As	3,10	Menor de 100 ug/l	Menor de 100 ug/l
Bario	mg Ba/L	3,10	10	10
Boro	mg B/L	3,10	3	3
BTEX	mg/L	4	5	5
Cadmio	mg Cd/L	3,10	0,1	0,1
Cianhídrico	cc/m ³ de ar	-	10	10
Cianuros	ug/l CN/L	3,10	Menor de 80 ug/l	Menor de 80 ug/l
Cianuros disoltos	mg CN/L	3	1	1
Cloro	cc/m ³ de ar	1	1	-
Cloruros	mg Cl/L	11	2000	2000
Cobre	ug/l Cu/L	3,10	Menor de 10 ug/l	Menor de 10 ug/l
Conductividade a 25°C	μS/cm	11	5000	5000
Cor	Escala Co/Pt	11	Inapreciable en dilución 1/40	Inapreciable en dilución 1/40
Cromo VI	mg Cr(VI)/L	3,10	0,5	0,5
Cromo total	ug Cr/L	3,10	Menor de 100 ug/l	Menor de 100 ug/l
DBO ₅	mg O ₂ /L	11	Menor de 25 mg/l	Menor de 25 mg/l
DBO ₅ /DQO	-	-	≥ 0,3	-
DQO	mg O ₂ /L	11	Menor de 125 mg/l	Menor de 125 mg/l
Detergente	mg/l Laurilsulfato	-	Menor de 2 mg/l	Menor de 2 mg/l
Dimetilbenceno	ug/l	-	Menor de 60 ug/l	Menor de 60 ug/l
Dióxido de xofre	mg/l	10	15	15
Estaño	mg Sn/L	3,10	3	3
Fenóis totais	mg/l	6	1	1
Fluoruros	ug F/L	10	Menor de 3400 ug/l	Menor de 3400 ug/l
Fosfatos	mg/L	11	60	60
Fósforo total	mg P/L	11	Menor de 2	Menor de 2
Hidrocarburos	mg/L	7,10	Menor de 3	Menor de 3
Hidrocarburos aromáticos policíclicos	mg/L	10	0,2	0,2
Ferro	mg Fe/L	3,10	10	25
Manganeso	mg Mn/L	3,10	5	10
Materias inhibidoras	Equitox	8,10	20	25
Mercurio	mg Hg/L	3,10	0,01	0,01
Níquel	ug Ni/L	3,10	Menor de 40 ug/l	Menor de 40 ug/l
Nitratos	mg N/L	11	50	50
Nitróxeno amoniacal (N-NH ₄ ⁺)	mg N/L	11	30	30
Nitróxeno Total Kjeldahl	mg N/L	11	Menor de 15	Menor de 15
NTK/ DBO ₅	-	-	≤ 0,2	-
Nonilfenol	mg/L	10	1	1
Percloroetileno	mg/L	10	0,4	0,4
Pesticidas	mg/L	10	0,1	0,1
pH	u de pH	10	6 - 9,0	6 - 9,0
Plaguicidas totais	mg/L	10	0,1	0,1
Chumbo	mg Pb/L	3,10	0,1	0,5
Prata	mg Ag/L	3,10	1	1



Luns, 22 de xullo de 2024

Núm. 142

Parámetro	Unidades	Valor límite		
		Medio	Diario máximo	Instantáneo Máximo
Selenio	ug Se/L	3,10	Menor de 2 ug/l	Menor de 2 ug/l
Sólidos en suspensión	mg/L	11	Menor de 35	Menor de 35
Sólidos grosos	mg/L	11	Ausentes	Ausentes
Sulfatos	mg SO ₄ /L	11	400	1000
Sulfhídrico	cc/m ³ de ar	10	20	20
Sulfitos	mg SO ₃ /L	11	10	20
Sulfuros disoltos	mg/L	11	0,3	0,3
Sulfuros totais	mg S/L	11	1	5
Temperatura	°C	11	30	50
Tensoactivosaniónicos	mg MBAS/L	9,10	6	20
Tolueno	Ug/l	-	Menor de 100 ug/l	Menor de 100 ug/l
Triacinas totais	mg/L	10	0,3	0,3
Tributilestano	mg/L	10	0,1	0,1
Triclorobenceno	mg/L	10	0,2	0,2
Zinc total	ug Zn/L	3,10	Menor de 60 ug/l	Menor de 60 ug/l

ANEXO III

SOLICITUDE DO PERMISO DE VERTIDO Á REDE PÚBLICA MUNICIPAL DE SANEAMENTO

1. Solicitude: nome, domicilio social, enderezo do establecemento, teléfono, distrito postal, localidade, NIF, caudais de vertido en m³/ano em 3/día, identificación do sistema de saneamento ao que se pretende verter.
2. Xunto aos datos de identificación, expóranse de xeito detallado as características do vertido, en especial:
 - a) CNAE(s)
 - b) Clasificación da actividade segundo o Regulamento do Dominio Público Hidráulico.
 - c) Descrición do proceso produtivo que dá lugar ao vertido.
 - d) Volume de auga consumida ou que se consumirá, especificando a(s) fonte(s) de subministración.
 - e) Características da contaminación das augas xeradas antes e despois do tratamento.
 - f) Variacións estacionais no volume e/ou características de contaminación das augas residuais vertidas.
 - g) Plano da rede de recollida de augas residuais e punto(s) de conexión, con coordenadas, aos sumidoiros indicando a localización das arquetas de control.
3. Proxecto técnico das obras:
 - a) Antecedentes:

Obxecto: obtención do permiso de vertido ou a súa revisión (neste último caso, achegarase unha copia do permiso vixente).



Características da localización da actividade.

Punto de conexión á rede de saneamento con coordenadas UTM.

b) Memoria descriptiva:

Datos de produción: actividade desenvolvida, materias primas empregadas e produtos resultantes expresados en toneladas/ano.

Procesos industriais.

Balance de augas: fontes de abastecemento, título concesional, volume abastecido e a súa distribución no proceso industrial, volume de vertido.

Características do efluente: informe analítico de cada punto de vertido.

c) Memoria técnica das instalacións de tratamento previo:

Sistemas e unidades de tratamento: descrición do sistema de tratamento existente, con cálculos hidráulicos do dimensións (volumes, cargas hidráulicas, tempos de retención) e xustificación de operacións unitarias e procesos; descrición detallada de equipamentos instalados, potencias de bombeo, materiais de construción; medidas de seguridade para evitar vertidos accidentais, instrumentos de control propostos, proposta de seguimento e control da calidade do efluente, produción, cantidade e destino dos residuos xerados.

Planos: situación dentro do concello (1:50000); situación xeral do establecemento (1:5000); detalle do establecemento (1:1000); planta e alzado do sistema de depuración (1:100).

En caso de que as instalacións de tratamento ocupen propiedades de terceiros, deberase achegar autorización expresa do titular do terreo.

d) Cando o exercicio da actividade comporte a utilización de tanques de almacenamento soterrados, deberase presentar un estudo de avaliación dos efectos ambientais que incluíra a avaliación da hidroxeoloxía da zona afectada, do eventual poder autodepurador do solo e subsolo, e dos riscos de contaminación. Tamén se fará constar a eventual proximidade de captacións de auga, así como as precaucións técnicas adoptadas para evitar a percolación e a infiltración de hidrocarburos.

e) Plan de emerxencia do sistema de acordo coa lexislación sectorial aplicable.

O solicitante do permiso de vertido deberá presentar a documentación sinalada nos puntos anteriores en formato electrónico para o seu exame polos técnicos municipais e nos soportes e aplicacións que se determinen polos devanditos servizos técnicos."

Contra a aprobación definitiva, que esgota a vía administrativa, poderán interpor os seguintes recursos de conformidade co previsto na Lei 39/2015, do Procedemento Administrativo Común das Administracións Públicas:

- Potestativamente, recurso de reposición, ante o Pleno do Concello no prazo dun mes computado a partir do día seguinte ao da publicación do presente anuncio (arts. 123 e 124 da Lei 39/2015).



Luns, 22 de xullo de 2024

Núm. 142

- Recurso contencioso-administrativo, ante a Sala correspondente do Tribunal Superior de Xustiza de Galiza no prazo de dous meses contados desde o día seguinte ao da publicación do presente anuncio (art. 46 da Lei 29/1998, de 13 de xullo, Reguladora da Xurisdición Contencioso-Administrativa). En caso de interposición do recurso de reposición potestativo, non se poderá interpor recurso contencioso-administrativo ata que sexa resolto expresamente ou se produciu a desestimación presunta do recurso de reposición interposto.

En Cerdedo-Cotobade, a 17 de xullo de 2024

O alcalde, Jorge Cubela López.

Documento asinado dixitalmente

Pode verificar a integridade deste documento no seguinte enderezo:
<https://sede.depo.gal>
Código seguro de verificación: OOLJS3Q74SX7ZJ7K

